

639. fundur

Mánudaginn 5. febrúar 2018 var haldinn fundur í nefnd skv. 87. gr. búvörulaga nr. 99/1993 í atvinnuvega- og nýsköpunarráðuneytinu.

Þessir voru mættir:

Ólafur Friðriksson, formaður ANR

Benedikt S. Benediktsson, FJR

Sigurbjörg Stella Guðmundsdóttir, ANR

Birgitta Kristjánsdóttir, ANR

Kristín Sigfúsdóttir ritari, ANR

1. Lagðar fyrir fundargerð 638. Staðfest.
2. Áframhald umræðu vegna erindis Félags atvinnurekenda dags. 29. nóvember 2017 þar sem óskað var eftir aðgangi að innsendum svörum einstakra fyrirtækja og frekari rökstuðning á svari ráðgjafanefndar um inn- og útflutning landbúnaðarvara um að ekki væri vöntun á nautakjöti í skilningi 65. gr. A búvörulaga nr. 99/1993. Beðið eftir svörum frá umsagnaraðilum og verður erindinu svarað.
3. Tekið var fyrir erindi frá Krónunni ehf., dags. 29. janúar 2018 þess efnis að fá viku frest til að afgreiða innflutning á áður framlengdum tollkvóta vegna veikinda. Vinnureglur nefndarinnar hafa verið um áráðil að veita 1 mánaðar framlengingu á áður úthlutuðum tollkvótum. Á þeim forsendum telur nefndin ekki fært að framlengja tollkvótann enn frekar. Ákveðið var að hafna erindinu.
4. Úthlutun á upprunatengdum sérostum vegna samnings Íslands og ESB um viðskipti með landbúnaðarvörur. Í nefndaráliti meirihluta atvinnuveganefndar kemur fram að meirihlutinn hafi sammælt við þáverandi sjávarútvegs- og landbúnaðarráðherra að hraða innleiðingu á auknum kvótum vegna innflutnings á sérostum, þannig að hún komi öll til framkvæmda á fyrsta ári gildistíma samningsins. Sá annmarki er hins vegar á málinu að ekki er til staðar lagastoð fyrir umræddri breytingu. Nefndin ræddi ítarlega um þetta álitamál og ákvað að taka saman minnisblað um málið.
5. Lagt var fyrir til framhaldsumræðu erindi frá Matfugli ehf, dags. 17. janúar 2018 þess efnis að vöntun og /eða fyrirsjáanleg vöntun væri á svínasíðum. Sendur var út tölvupóstur skv. fundargerð 638 fundar til dreifingaraðila og framleiðenda til að kanna stöðu markaðarins. Á grundvelli þeirra svara verður óskað eftir upplýsingum um innlent heildsöluverð á svínakjöti skv. ákvæði 12. gr. tollalaga nr. 88/2005.

Fleira ekki gert og fundi slitið.